

福建山經卷九

泉州府

晉江縣

雲山在城北閩書云舊時州治皆在山麓方輿勝覽云韓魏公生州治虎頭山在城東北閩書云地名松灣有四古松東晉時物也本在州城外陳洪進有女爲尼作寺曰崇福居之因廓城包寺

鸚鵡山在城東閩書云俗名鸚哥山山頂有巨石立如鸚鵡承天寺在其下寺故留從効藍園捨以奉佛名南禪景德四年賜名承天

昇文山在城西南閩書云宋守葉廷珪海錄碎事曰昇山在州南晉司徒王朗每登覽因名朗山朗東海人爲漢會稽太守居郡四年惠愛在民孫策渡江畧地功曹虞翻以爲力不能拒不如避之朗自以身爲漢吏宜保城邑遂舉兵與策戰敗績浮海至東冶策又率軍追擊之閩越朗欲走交州爲兵所逼詣軍降朗在東冶每登覽泉州城南之昇山後人

因名爲朗山道光志云多奇石有類幞頭者硯臺者

案此大誤也三國志王朗傳魏明帝太和二年朗卒何得稱晉司徒明

戰敗浮海至東治東治今侯官泉州今福州

今泉州本南安縣後稱武榮州唐景雲二年始改名

泉與晉江何與然則朗所登覽之昇山當福州城北之昇山乃以屬今

泉州城西南之昇文山

山名亦多一文字

閩書道光志均引之而未能辨正

義山在城西閩書云有義泉

泉山太平寰宇記云在州北五里因此爲名方輿紀勝云郡之主山也又

名北山林蘊泉山銘云山瞰巨浸見于扶桑八閩志云一名齊雲山在

棠陰里三十九都周環四十里清源洞在山有上下二洞上洞名純陽

在山顛乃東甌王避漢兵處後有石室宋裴道人仙蛻之所號蛻骨岩

下洞名紫澤去上洞半里許有蔡如金真人祠及丹竈上有百丈石柱

藜泉在清源洞側若坎井然相傳蔡如金藜杖拄地而泉出清源泉在

上下二洞間深不過五六尺甘潔無比山以泉名蓋本此閩書作清源

山云郡主山也郡所以名清源矣山有孔泉上石如殼下石如砥中圻孔竅泉出焉而舊志乃以孔爲訛改作乳是山發自白虹山由西南趨爲朋山度朋山折而東三峰昂然天際爲三台山三台山者清源山也有三十六巖洞焉曰純陽洞曰紫澤宮曰東巖曰西巖曰海潮室曰南臺曰遵巖曰半嶺巖曰棲霞巖曰大道巖曰泰嘉巖曰靈源庵曰碧霄巖曰不易巖曰瑞像巖曰寒山巖曰日休巖曰妙覺巖曰獅巖曰龜巖曰虎巖曰賜恩巖曰中巖曰下巖曰巢雲巖曰彌陀巖曰觀音巖曰梅巖曰木龍巖曰勢至巖曰清泰巖曰羽仙巖曰片瓦巖曰泰空室曰無塵庵曰楞伽院是也東巖西巖在中台峰前海潮室在中台峰左奇石倚天室居石址或曰裴道人嘗居之以吸日月精華南臺在右台峰絕頂矗起三石削成如樓臺其下山石皆嶙峋鄭重俯望江海城郭村墟歷歷如畫也遵巖在左台峰頂東偏僧可遵所構其地巨石偃亘周數百武名百丈坪可遵建三石塔焉又綴而下爲泰嘉爲靈源靈源窪廣

數百步水積其中郡志謂中有鰲龍宋時旱禱輒雨碧霄巖最奇巖在碧霄峰之麓恠石委萃重複相依中廣不逾席北來南去可百餘武仰視碧天如線曰小有天曰拍洪崕肩當北入處曰上碧霄罅刻曰透碧霄南出處石端琢佛三巖倚之曰下碧霄不易巖昔有尼居之有訪之者曰若來住山故不易尼曰卽到山亦復不易耳後百步有石如綫名一脉泉瑞像巖宋元祐中有林道者誅茆是山夜夢有人使鐫釋迦像於石其石面平如砥翠律巖巖亦名天柱峰一峯對峙危石排行如僧群立名羅漢峰峰後有靈潭源潭深可數丈又有獅子峯回船峰蓮花峰雲髻峯石筍石蟒石龜石城石窓石門皆象其象又有片瓦巖寒虎巖皆天然石室可居止又有望州亭俯視城郭如掌握間又有頭陀巖天成石罅謂之石門深數十丈上沿小徑通于瑞像石門之下有霹靂石寒山巖與瑞像肩背相乘相倚爲奇日休巖淳祐郡志曰頭陀巖也妙覺巖在倒旗峰下泉出石屏之底郡志謂之瑞泉獅巖在五臺峰之

陽又如龜也一統志歐陽詹林蘊林藻讀書於此有石可濡墨大書曰石硯有室如瓦窰然曰歐陽室也虎巖在五臺峰右巨石竄竄如穹龜伏螯穿石透空而下巖在其上五季時僧守息安禪巖中有馴虎之異名虎巖也宋元豐間僧法超亦嘗閱大藏經於此日一食而已石刻有大休歇場四字亦名大休巖賜恩巖與虎巖上下相綴望之若前後楹然唐賜許刺史稷之山也或曰是四山宋李文肅郡隱居是山之下朝恩四及焉中巖有青壁屏立倚石壁爲室下巖在平地亦倚大石構室有石斜立如掛鏡曰鏡石又有石曰醉月室曰凌霞觀曰弄泉亭曰怡雲塢曰崇秀皆李文肅所構巢雲巖隆慶間郡人詹仰庇以御史言事遭歸棲遲此山彌陀巖在擎珠峰之陽懸泉從巢雲來墜石壁間冬夏錚鏦有竹箭之美躡磴而上有石徑若距石壁夾之邃可以飲郡人莊一俊名其徑曰招飲木龍巖巖如覆片瓦約可容十許人外石當前如樹屏門刻贊并引曰余於此谷口散步遇將焚古木根視之若有異命

加斧斤宛如龍狀因作木龍贊以偉之贊爲歐陽拒作勢至巖瀑泉一
白泰嘉山來一白紫澤山來環巖左右滙前爲潭名曰濯衣今湮爲田
片瓦巖郡志云片瓦虎巖皆天然石室空洞可居卽此也此皆自右台
峰而下者也泰空室在中台峰之東迤覆鼎峰垂爲後脇茶戶居之茶
宜高山之陰受日光早處此地霧露蒙密受暘獨先有石廣數十尺足
垂如鼎峙可隱人故曰覆鼎又名瞻迹也一統志一名斟酌留從効嘗
於此酌斟軍事云無塵庵在五臺峰東卧石去地千尺懸穿若風帆別
有石橫立其上若揚帆郡人呼曰舟峰宋慶老禪師結庵其麓扁曰無
塵

大陽山小陽山在四十都距城北十餘里八閩志作雙陽山云在愛育里
狀如雙髻名大陽小陽在南安爲朋山在永春爲雙髻山蓋三縣接界
山也閩書作朋山云雙峙若圭亦曰雙陽道光志云俗呼雙乳山
五洋山在四十五都距城北六十里閩書云高頂中有田千畝宋時有五

姓居之今訛爲吳上有小髻洞可以避兵山麓有清水巖

豐山在四十六都距城北五十餘里八閩志云每水旱禱于是山卽有豐年之應故名閩書云上有白水巖涓若滌漿又頂有雙了亦名雙髻峰又一豐山在城東南閩書云去石湖可里許上有豐山寺寺前有大石小石附之望如羣羊

白虹山在郡北百餘里八閩志云在常建里自仙遊縣九座山迤邐至郡境十餘里閩書云自九座山西南行爲朋山清源之祖垂瀑如虹宋莆田陳宓隱居其下有白虹瀑有龍潭歲旱禱之有雲氣升潭中如虹三日內必兩道光志云左右有日月峽相望者曰玉葉山一名打石山上有沙帽石下有圓覺瀑曰建興山曰東庵山

花山距城九十里八閩志云在常建里四十七都

香爐山閩書云在金溪之上溪中沙淘之有金

八尖山閩書云山前後相連距十里餘大小纍纍其尖有八

大帽山距城七十餘里在大河內閩書云山形如帽自白虹而西下至姑舅嶺有鞍四十九有崙五十透迤南安從葵山而至清源焉凡山凹凸之處曰鞍

大旗山距城東北八里八閩志云在棠陰里其峯高聳如旗故名山面爲龜巖下有石鏡道光云卽清源所迤之山也

鳳山在大旗山迤南閩書云自北山而來勢如鳳飛泉之北邨也上有東嶽行祠道光志云爲郡治東北隅入脈之護

皇績山在鳳山迤東八閩志云按僞閩王審邽墓碑云皇者天皇績者勲績或云皇當作黃山多黃石堆積故名碑所言蓋誇辭也閩書作黃積山云宋名飛落下有皇績七里亭王審邽葬此去黃積二百餘步有龍窟泉

梁相山八閩志云宋梁克家墓在其麓故名在鸞歌里閩書云在鳳山東萬安山距城東北二十里閩書云唐觀察使柳冕置萬安監牧馬於此故

以名山山至洛陽江南岸而止萬安橋在其下

覆船山閩書云在梁相山東南十里許

法石山距城東南十里八閩志作萬歲山云宋陳洪進爲節度時築壇山上以效嵩呼因名閩書云山下有法石院院後陳洪進妻及女葬焉蔡襄荔支譜有法石白

寶覺山閩書云上有海印室

聖姑山閩書云相傳地產大菰里人異之卽地建祠訛爲聖姑

赤城山閩書云土色純赤諺傳晨昏閒有赤馬出食人禾追之則入山中亦名赤馬山

石頭山八閩志云在臨江里與赤城山相連有三石傑出故名下有石頭市南瞰江亭昔郡守祭望海神於此閩書云山陰疊石數筍危如欲墜實不可動目爲天石

黎山距城東南十五里方輿勝覽云爲郡勝概

靈山在城東南二十里閩書云有默德國二人葬焉曰之祖也唐時傳教泉州自葬是山夜光顯發人異而靈之名曰聖墓名勝志引明郡守周道光記云出仁風門外半里許稍折而南爲東湖遵湖岸而行望之纍然鬱然祥光瑞靄隱隱呈露者靈山也其上有石一區曠而夷上可坐百人中有卷石勢重萬鈞一夫撼之兀兀動搖又二十里爲寶蓋山寶蓋山八閩志云在永寧里上有石塔甚宏壯商舶自海還者指爲坻岸之期閩書云蜿蜒而南五里許有虎岫巖濱海諸山色皆燥淡獨此巖雲石光潤林木青葱每八九月海濱男女携餅餐羊酒其上名曰游春名勝志云一名大孤山

大平山閩書云在靈山左其陽有雲谷室明蔡清讀書其上又有石雞山最高處一石如雞

回龍山距城東南二十里八閩志云山勢遇海而止有回顧州治之狀閩書云去石頭十里山勢自北山分支相屬者曰赤蝦山

桃花山閩書云地名鷓鴣土色如桃花

鑼鐘山閩書云有石考之聲似鑼鐘

金釵山距城東南三十里八閩志云在永寧里兩峰延袤數百丈若釵股然其凹處有塔號六勝上有石獅巖閩書云地名石湖又曰日湖日所出處也舊浯嶼水寨今移於此去金釵上左股數十丈餘卓立一峰峰旁有石圓淨名鏡石西小巖相傳宋初有僧穴石隱焉僧貌如獅子名石獅巖或鑿巖前石爲泗洲像又名泗洲巖道光志云里許爲楊原山楊原山閩書云山中宋有釋禹昌者隱之禹昌博聞強識苦節自厲有釋省才者時獨往還賦山居有飢食無名草寒燒落葉薪之句

畫角山在縣東南閩書云單山也獨石聳立其狀如角登其顛可望海外諸山南鄉之山惟孤吳橫角四山知名孤謂寶蓋吳謂靈源橫橫山角畫角也

石壁山閩書云一名獅山地名深扈石刻深扈二字傳羅隱所書左爲彌

陀山下有天竺井水甘旱不枯石爲青山有市心保中有井足一保汲名寶泉

益輔山在縣東南八閩志云繚繞永寧衛治之後閩書云一名朝陽以先受日光又名瑞海又以上有石如珠名鹽龍山

仙人山八閩志云巨石盤繞上有仙人跡閩書云在永寧衛城中

象山八閩志云形如伏象在永寧衛城內

岱峯山在郡東南閩書云有石佛巖相傳未巖時石有夜光三道宋嘉定中僧守淨異之鑄彌陀觀音勢至三尊刻泉南佛國四大字于旁近地有青石山巨石峙平野廣袤數里高數十丈居民遇亢旱卽其頂禱雨金鞍山距郡城東南五十里閩書云寶蓋山俗名大辜金鞍山俗名小辜相傳辜氏女顯跡神異或云大孤小孤猶江南二山出於江中人立二姑廟也上有室可二丈許名永嘉室有趙永嘉者隱之道光志云其旁一山土色紅赤名火燄山

獅山距城南十里閩書云白城中望之聳然連蜺一曰烽山昔人置烽燧之所山頂有巨人跡

行輦山閩書云相傳宋幼主南行於此下輦故舖名下輦然宋淳祐志已載此山則又非是

水亭山閩書云去獅山三里朝揖郡城道光志云迤而東曰白塔山碧峰山

雁塔山閩書云地突高岡秀聳而圓其狀如塔有石高丈餘周廣四丈餘上有圓跡扣之如鼓號靈鼓石名勝志云在城南十里上有石約五丈許其旁纍纍或豎或偃幽奇可愛

東山閩書云溜石鎮在其下鎮有高甲山井方廣丈餘海潮至其旁與泉不雜

羅裳山距城南三十里八閩志云在永福里山之東有五髻峰前有石高尋丈相傳嘗有異人畫馬於石每天陰鄉人見馬馳驟復入于石舊跡

尚存只有龍湫六井各相去半里許有在高原者有在平田者泉脈貫道汲一井而五井皆動歲旱井鳴有聲不三日卽大雨往往有龍出沒井旁樹木時有龍爪痕閩書云與清源紫帽朋山並爲郡名山泉中謂之清紫朋羅山東有玉髻峰下有畫馬石唐末羅隱乞食山下山下人侮之隱乃畫馬石面每夜出食人禾山下人乃禮焉隱爲畫椿繫馬馬不出矣今其跡瞭然道光志云又東曰崎山

青陽山閩書云山有八石名八仙石旁有石鼓山石鼓廟在焉宋守真文忠嘗於此禱雨廟中神有號順正王者青陽市蔡家家僮也生有靈異蔡嘗命滌甕池中甕皆自往返後坐化石鼓廟門外

雙石山閩書云家山下者子多雙誕

石城山八閩志云在沙塘里山勢逶迤聯續如城閩書云旁有四峰頂有石洞相傳昔有僧居是洞能伏虎

靈源山距城南四十里八閩志作吳明山云在仁孝里又名吳山蜿蜒數

十里遠跨數郡治前山也舊傳吳氏昆季隱其上後著靈跡鄉人立廟於其麓曰吳明宮山之顛有靈源泉出石大旱不竭閩書云一名吳山山雄跨四里許高出東南諸山頂有靈泉號師姑井宋時吳氏隱居山背故其背名吳明山又山頂高大而平名太平山上有石曰望江有紫雲峰紫雲室相傳舊有紫雲覆其上山南一支爲乞雨山山頂有七星墩禱雨掘得炭者卽雨矣不者未也吳明宮祀吳氏昆季及其二媼今祈嗣者但知有媼而已井名吳六娘則媼亦著靈者

華表山閩書云與靈源相連兩峰角立如華表山背之麓有菴祀摩尼佛

案据化胡經係老子入流沙所化

庵後有萬石峰有玉泉有雲梯百級

象陷山閩書云在華表山北數里其勢雄大舊有象傷人唐末南安人陳姓者坎地陷之

高州山閩書云在靈源華表二山閒與州治相直故曰高州

石龜山閩書云在象陷山東南十餘里峻壁二丈許形酷似龜程史云余

岳家居泉之石龜官道有石龜鋪名同地異

靈秀山距城南五十五里八閩志云在絃歌里挺拔千仞煙雲出沒林木蒼蒨爲一郡之勝上有小巖其石潮上則潤潮退則燥閩書云山有君子石盤陀石靈蛇洞

橫山距城南七十里八閩志云在仁和里山勢長數里許橫於郡治之南

故名閩書云又名許家巷俗訛爲虎家街

案因留從効微時寄食許媼得名

南行爲畫

船浦浦沙地而有船痕檣帆皆具雖掃除之明日復見又南行十里爲蕭妃村俗訛爲燒灰矣唐文宗母貞獻皇后蕭氏也

龜山在城西南臨漳門外一里許八閩志云在興賢里三峰高聳其狀類

龜今爲山川壇閩書云壇西有石卓立二丈許名石筍其下江名筍江

石塔山閩書云在石筍南其山腰至麓有一磐石長二百丈下互江水之

淵居人室焉俗名石皮明丘濬嘗問蔡文莊君郡有萬家石文莊時爲

諸生尙不解是此石也

鼓雷山八閩志云在興賢里上有雩壇或云石鳴如鼓故名閩書云山有四一去石塔山西南里許上有陳君巖鄉人陳珏嘗廬墓於此一在常太里石旗村一在養能里石龜舖之西下有巖名靈應一在縣興賢里曰鼓雷村又永福里有石鼓山

紫帽山距城西南五里郡前之內案山也八閩志云爲峰凡十有二常有紫雲覆其顛甘泉在山中按方輿勝覽山椒有泉眼相傳有龍蟠其閒故名龍池金粟洞在山之陰其東有凌霄塔西有石鼓丹爐試劍基局仙掌諸峰相傳唐元德真人鄭文叔居之時泉人有客洛陽者邂逅一羽衣寄書與文叔旣歸授書遺以粟米半升還家視之金粟也閩書云自南安大烏石山蜿蜒而來龍從雄聳爲十二峯與清源南北對峙其最高者二峰左峰之陰有金粟洞右峰絕頂有凌霄塔北有天湖巖南有盤古洞洞屬南安

龍首山八閩志云在常泰里蜿蜒盤礴有龍翔之勢俗又呼爲龍頭嶺歐